



Broj: 09/2-3-16-4-15505-10/16
Sarajevo, 19.07.2016.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: KJN-16-4-int-1523/16 od 15.07.2016. godine, u postupku javne nabavke kancelarijskog namještaja za potrebe MVP BiH, **d o n o s i m:**

O D L U K U

o izboru najpovoljnijeg ponuđača

Ponuđač " R & S" d.o.o. Sarajevo sa ponudom broj 4985/16 od 29.06.2016. godine, proglašava se najpovoljnijim, te se imenovanom ponuđaču dodjeljuje ugovor za nabavku kancelarijskog namještaja za potrebe Ministarstva vanjskih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke,ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-993-1/16 od 10.05.2016. godine, u kojoj je predviđeno da je procijenjena vrijednost javne nabavke sa PDV-om 100.000,00 KM.

Obavještenje o nabavci br: 253-1-1-30-3-4/16, objavljeno je na Portalu javnih nabavki dana 14.06.2016. godine, a sažetak obavještenja o nabavci objavljen je u Službenom glasniku BiH br: 45 od 17.06.2016. godine, na osnovu kojeg je proveden otvoreni postupak nabavke usluga za potrebe Ministarstva vanjskih poslova BiH.

Pregledom i analizom dostavljenih ponuda Komisija je utvrdila da ponuđač **NENOLINE Enterijeri d.o.o.** nije dostavio Izjavu iz Aneksa IV tenderske dokumentacije na propisan način, odnosno ista nije ovjerena kod nadležnog organa (organ uprave ili notar), a kako je traženo tačkom 3.2. tenderske dokumentacije. U skladu sa odredbama člana 45. stav (4) Zakona o javnim nabavkama („Službeni glasnik BiH“, broj 39/14) propisano je da je kandidat/ponuđač dužan dostaviti izjavu ovjerenu kod nadležnog organa. Nadalje, tačkom 3.3. tenderske dokumentacije propisano je da su ponuđači dužni dostaviti aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnost koja je predmet ove nabavke, s tim da datum izdavanja

originala izvoda ili izjave/potvrde ne može biti stariji od 3 (tri) mjeseca od dana dostavljanja ponude. Ponuđač **NENOLINE Enterijeri d.o.o.** dostavio je izvod iz sudskog registra čiji je datum izdavanja originala 07.04.2016. godine, te se shodno naprijed navedenom ne može smatrati valjanim izvodom. Tačkom 5.3. tenderske dokumentacije propisano je da su ponuđači dužni dostaviti nacrt ugovora u koji su unijeli podatke iz svoje ponude, te parafirali sve listove nacrtu ugovora. Komisija je pregledom ponude ponuđača **NENOLINE Enterijeri d.o.o.** utvrdila da isti nije dostavio nacrt ugovora kako je traženo tenderskom dokumentacijom, odnosno da isti nije ispunjen od strane ponuđača niti parafiran.

Također, ponuđač **NENOLINE Enterijeri d.o.o.** nije pravilno označio stranice ponude. Odredbama člana 8. stav (7) Uputstva za pripremu modela tenderske dokumentacije i ponuda ("Službeni glasnik BiH", br. 90/14 i 20/15) propisano je da ponuda neće biti odbačena ukoliko su listovi ponude numerisani na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji. Uzimajući u obzir da ponuđač **NENOLINE enterijeri d.o.o.** nije nikako numerisao stranice, te se iz iste ne može utvrditi kontinuitet numerisanja, Komisija je ocijenila da je navedena ponuda neprihvatljiva prema obliku, sadržaju i potpunosti.

Pregledom ponude ponuđača **MY HOME STIL d.o.o.** Komisija je utvrdila da isti nije dostavio valjan izvod iz sudskog registra, kako je traženo tačkom 3.3. tenderske dokumentacije, gdje je propisano da su ponuđači dužni dostaviti aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnost koja je predmet ove nabavke, s tim da datum izdavanja originala izvoda ili izjave/potvrde ne može biti stariji od 3 (tri) mjeseca od dana dostavljanja ponude. Ponuđač **MY HOME STIL d.o.o.** dostavio je izvod iz sudskog registra čiji je datum izdavanja originala 02.02.2016. godine, te se shodno naprijed navedenom ne može smatrati valjanim izvodom.

Analizom dostavljenih ponuda Komisija je utvrdila sljedeće:

1. Ponuđač **NENOLINE enterijeri d.o.o.** se isključuje iz daljnjeg učešća zbog neispunjavanja uslova za kvalifikaciju, u skladu sa tačkom 3.4. tenderske dokumentacije, iz razloga nedostavljanja dokaza u pogledu tehničke i profesionalne sposobnosti ponuđača, tj zbog svega gore navedenog;
2. Ponuđač **MY HOME STIL d.o.o.** se isključuje iz daljnjeg učešća zbog neispunjavanja uslova za kvalifikaciju, u skladu sa tačkom 3.4. tenderske dokumentacije, iz razloga nedostavljanja dokaza u pogledu tehničke i profesionalne sposobnosti ponuđača.
3. Ponude ponuđača **R&S d.o.o.**, **KRANING d.o.o.**, **NOVA DI VRBAS d.o.o.**, **Hafele BH d.o.o.**, **Adrlialine d.o.o.** i **DINECO d.o.o.** ispunjavaju sve uslove u pogledu opisa predmeta nabavke i tehničkih specifikacija, te se navedene ponude ocjenjuju kao prihvatljive.

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, primjenom kriterija „najniža cijena tehnički zadovoljavajuće ponude“, Komisija je zapisnikom broj: **KJN-16-4-int-1523/16** od 15.07.2016. godine, utvrdila rang listu ponuda i to:

1.	"R & S" d.o.o.	sa ukupnom cijenom od	58.456,48 KM sa PDV-om
2.	„HAFELE BH“ d.o.o	sa ukupnom cijenom od	65.028,30 KM sa PDV-om
3.	„NOVA DI VRBAS“ d.o.o	sa ukupnom cijenom od	73.317,87 KM sa PDV-om
4.	„KRANING“ d.o.o.	sa ukupnom cijenom od	81.208,41 KM sa PDV-om
5.	„ADRIALINE“ d.o.o.	sa ukupnom cijenom od	94.001,31 KM sa PDV-om
6.	„DINECO“ d.o.o.	sa ukupnom cijenom od	95.349,47 KM sa PDV-om

shodno kojoj je prvoplasirana i najpovoljnija ponuda ponuđača: " R & S" d.o.o. Sarajevo, sa cijenom od **49.962,80 KM bez PDV-a, odnosno 58.456,48 KM sa PDV-om** te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

DOSTAVITI:

1. Svim učesnicima u postupku javne nabavke;
2. Evidenciji a/a.

